

NAMIBIA SENIOR SECONDARY CERTIFICATE

FIRST LANGUAGE OSHINDONGA ORDINARY LEVEL 4106/1

PAPER 1 Reading and Directed Writing

2 hours 30 minutes

Marks 70

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KAALONGWA

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulawu nenge onduudhe.
- Ino longitha okadhimitho komeya.
- Yamukula omapulo **agehe**.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

OSHITOPOLWA A

Lesha okahokololo taka landula mpaka, e to yamukula omapulo taga ka pulwa.

Okaleshwa 1

Gumwe gwomaahwahwameki nomukuthimbinga momaudhano Omusouth Africa

Oshipewa oshivalelwamo, Natalie du Toit manga a li omushona lela, okwa kala aluhe e na ondjodhi ando a ninge omukuthimbinga momaudhano go-Olimpia. Eyambukepo lye muudhano wokuyoga olya tameka momumvo 1998, sho a li a kalele po South Africa momaudhano go-Commonwealth mepipi lyoomvula omulongo nane.

Konima yoomvula ndatu, ondjodhi yaNatalie yokukutha ombinga momaudhano go-Commonwealth oya kala ya fa ya yiwa moshipala, sho okugulu kwe kwa tetelwa mongolo konima yoshiponga. Ashike oshiponga, osha ninga ko ashike kashona okufumvika oondjodhi dhe. Natalie nonande a lala mombete yuuwehame, omuyogi omunamimvo omulongo naheyali, okwa tindi okuhulitha po ondjodhi ye.

“Aavali yandje nookuume yamwepo oya kala haya lombwele ndje kutya onda kala handi inanene pombanda kiitenda yoombete ndho, tandi ti ondi na okukala tandi idheula, shaashi omalolelo gandje gOlimpia oge li popepi,” ta dhimbulukwa.

Nomukumo nomatokolo, Du Toit okwa tindi uulema we u mu imbe a adhe omalalakano ge. “Otandi dhimbulukwa nawa natango okuyoga, ashike oshinima nee oshidhigu osho okulongitha omikalo dha yooloka dhokuyoga nokugulu kumwe” Natalie ta dhimbulukwa. “Onda ya mo ishewe ndele tandi tameke mobaana nuunona uushona notandi dhimbulukwa nawa sho nda li omushona handi dhenge mo uunona uunene kungame. Ngashingeyi onda koka tandi dhengwa mo kuunona uushona nomolwaasho onda li nda hala nokuhalelela ndi ninge ishewe omuyogi dhangi nosho nda ningi.” Konima yomadhewulolutu goomwedhi dhontumba, okwa tameke ishewe okukutha ombinga momathigathano. Okwe ya omutimulongo nomutihamano (16) mokati kaayogi omilongo mbali nayane mokuyoga oshinano shoomeeta 10 000 nokwa shuna koSouth Afrika, u uva nayi sho inaa ninga nawa.

Okwa mono ishewe ompito yokukutha ombinga momaudhano gahugunina gokuyoga oshinano shoomeeta omathele gahetatu momumvo 2002. Shino osho sha li sha ndhindhilikwa oshikando shotango omunuulema a mono ompito yokukutha ombinga momaudhano gokuyoga goCommonweath gaamboka kaaye na uulema. Kehulilo lyomaudhano, okwa ningi omudhani gwotango okupewa epapa lyaDavid Dixon lyomukuthimbinga dhangi momaudhano.

Momumvo 2004, konima ashike yomimvo ndatu sho a zi moshiponga, okwa sindana oombandi ntano dhoshingoli momaudhano gaanuulema muGreece. Konima sho a ka adha elalakano lye momumvo 2008 moBeijing, sho a ningi ondjokonona mokuninga omukiintu gwotango omunuulema ta mono ompito yokukutha ombinga muudhano wo-Olimpia wokuyoga waamboka kaaye na uulema. “Okumona ompito yokukutha ombinga momaudhano go-Olimpia olya limwe lyomomathimbo ngono hage ku lilitha ashike, molwaashono owa fa ashike wa londa ondundu Everest, ondundu ndjoka ondeendeeka muuyuni”. Du Toit ta ti.

“Osha li ashike sha fa ehulilo lyuuyuni,” ta gwedha ko.

Omasindano ge gi ikalekelwa oga ningi Natalie du Toit a ninge omuhwahwameki gwoyendji moSouth Africa nokondje. Gumwe gwomwaamboka ya ndhindhilika tango oshipewa she omukokolipelesidente gwaSouth Afrika, Nelson Mandela, omanga nakumulandula omupelesidente Thambo Mbeki, okwe mu simanekele okukala omuhwahwameki gwoshigwana. Omuyogi gwoshinano oshile okwa pelwe wo epapa lyesimano lyaLaureus, sho a teya po engambeko pokati kaanuulema naamboka yaa na uulema momaudhano.

Pethimbo Du Toit a li ti ilongekidhile omaudhano gokoLondon 2012, okwa tseyitha kutya shika otashi ka kala oshikando she shahugunina okukutha ombinga momaudhano gopayigwana. Natalie nando a dhiladhila okuthiga po omathigathano gopayigwana, okwa li ta monika e na uupenda wokutsikila nomaudhano. Ota lalakanene ishewe okumona ompito yokukutha ombinga momaudhano go-Olimpia nokwa hala a ka sindane po omaudhano agehe gaheyali gaanuulema, muudhano a ze mo i ithiga mo.

Natalie ngele ti idheula, oha tyapula okulongitha ethimbo lye moopoloyeka dhelongo, ha kutha ombinga moonkambadhala dho odheka okushonopeka omiyalu dhomaso momeya miitopolwa yaamboka ya thindilwa kongodi mo-South Africa.

“Onda ndhindhilika kutya osha simana okutopolelathana ontseyo nonda hala okutsikila ndi shi ninge monkalamwenyo yandje ayihe. Onda hala okumona uunona tawu longwa okuyoga kaanawino mokuyoga. Du toit ta ti. Osha simana okugandja oshipewa/uunongo mboka wu na kuyakweni yo ya mone ompito yoku wu longitha moonkalamwenyo dhawo dhesiku kehe. Oshe eta Natalie a ninge OmuSouth Africa dhangi momaudhano ganuulema wethimbo alihe, noku li wo omusimanintu mondjokonona yomaudhano.

(Cook M.J)

1 Mokuyamukula epulo 1 (a) sigo 1 (c), owa pumbwa ashike okunyola ondanda A, B, C nenge D, ndjoka yi li peyamukulo lyomondjila. Ngaashi (a) A.

(a) Osha li sha fa tashi monika kutya ondjodhi yaNatalie itayi ka tsa molwaashi ...

- A ina mona eyambidhidho lyaakwanezimo.
- B ina mona omadhewo ga gwana.
- C okwa li a koka okukutha ombinga momaudhano.
- D okwa mona oshiponga shinyanyalitha.

[1]

(b) Omolwashike omumvo 2008 gwa li gwa simana kuNatalie?

- A Okwa li a mono ompito a kuthe ombinga momaudhano go-Commonwealth.
- B Okwa li a mono ompito okukutha ombinga momaudhano goOlimpia gaantu mba kaaye na uulema.
- C Okwa li a sindana oombandi ntano momaudhano gopayigwana.
- D Okwa li a yi sigo okonkato yahugunina momaudhano gaanuulema.

[1]

(c) Oonkambadhala dhaNatalie dhokuhanganitha omaudhano odha ndhindhilikwa pambelewa sho ...

- A a hiywa a talele po omupresidente.
- B a pewa epapa pambelewa.
- C a pewa iilonga mepangelo.
- D a pewa oshinakugwanithwa a wilike opoloyeka yopashigwana.

[1]

(d) Okokutya ngiini “A ze mo i ithiga mo” ngaashi sha longithwa mokaleshwa? Gandja iitsa iyali.

[2]

(e) Omolwashike Natalie ta yelekanitha okumona ompito yokukutha ombinga momaudhano goOlimpia nokulonda ondundu Everest?

[1]

(f) Totha mo nokufatulula iitumbula iyali ya longithwa komunyoli mokudhenga omuthindo, komukumo nomatokolo gaNatalie mokwaadha omasindano.

[4]

[10]

- 2 Ou na kuume/ Kahewa koye ngono a li he shi enditha nawa momaudhano gontumba, ashike molwonkalo yontumba, ota dhiladhila a hilithe po okukutha ombinga momaudhano. Mu nyolela ombilive wu mu tse omukumo a tsikile noshipewa she. Longitha omadhiladhilo niitsa tayi zi mehokololo lyaNatalie du Toit.

litya nayi kale **200 – 250**.

[20]

OSHIPOPOLWA B

Lesha okahokololo taka landula mpaka, e to yamukula omapulo taga ka pulwa.

Okaleshwa 2

Moshitila mwa za ondjupa

Wilma Rudolph (1940-1994) okwa li a talika ko omutondoki gwondapo kamana muuyuni lwopomimvo 1960 ye, oye omukiintu gwotango Omwaamerika a sindana mokuyangata po oombandi ndatu dhoshingoli mokutondoka momaudhano gamwe go-Olimpia. Omumvo 1960 ogwo gwa li omumvo gwotango gwomaudhano gwo-Olimpia gu ulikwa ko-TV payigwana, sho osho sha kwathele Wilma a tseyike ongomudhani dhangi payigwana. Momumvo 1960, omaudhano oga li ga ningilwa koRoma naWilma okwa li a tseyika nawa nedhina “Emanya lyondilo.”

Wilma okwa pupulwa, kombunda sho a yambula po uudhano owundji wokutondoka waakiintu moAmerika. Okwa pandulilwa wo ekuthombinga miinyangadhalwa yopapolitika nokwa talwa omukokoli miipambe yomauthemba gaakwashigwana unene aakiintu.

Wilma okwa pita momashongo itaaga nuwa omeya pethimbo lyuunona we. Okwa tya tuu okwa valwa okapelema, ye okwa kala omunkundi. Onkalo yuukwamuhoko pethimbo ndyono, oya thininika Wilma nayina Blanche, oya kala haya tidhwa miipangelo yopopepi nayo. Aakwanezimo yaWilma, oya li ya hepa noonkondo, nomolwaashono okwa li owala haya vulu okufuta ondohotola yomuluudhe yimwe ayike, ashike kaya li ye na oshimaliwa shokufuta oombete. Onkalo ya tya ngawo, oye eta opo Wilma a silwe oshimpwiyu shuunamiti kuyina nokaakwanezimo kegumbo.

Sho a li okaana, Wilma okwa kala nokukwatwa nokuhepekwa komikithi odhindji, ngaashi, okakwenyenye, okakombo, oshivu, epulu, nopneumoni. Sho ashike e na oomvula ne okwa kwatwa kuuvu wombanda hawu taandelekwa kombuto yoPolio. Wilma nonando a aluka kuuvu mbuka, okwa kala ha zala iitenda yokuyambidhidha okugulu nompadhi yokolumoho ndjoka ya lemana, a vule okweenda.

“Ndohotola gwandje okwa lombwelele ndje kutya itandi ke enda we, ashike Meme okwa tile kutya otandi ke enda. Ondi itaala oohapu dhaMeme.”

Wilma okwa li e na aakwanezimo ye na ohole nesiloshimpwiyu. Yina okwa li he mu fala koshipangelo shi li ookilometa 50 okuza pegumbo, lwaali moshiwike, oomvula mbali, sigo ihe ende we nekwathelo lyiitenda. Ondohotola odha longa Blanche omadheulo golutu a kale ha kwathele okudheula okamwana kegumbo.

Wilma sho a gwanitha oomvula 12 a ninga oshindefa, okwa ningi oonkondo noha vulu okweenda kee na ekwathelo lyiitenda yoku mu yambidhidha. Okwa tokola okutula uuwehame we kombunda e ta tameke okutula miilonga ondjodhi ye yokukutha ombinga momaudhano. Okwa tokola okukutha ombinga mOspana yEtanga lyOmokambamba yOskola, nokwa konekiwa eyitulomo lye momaudhano komudheuli gwaatondoki nomaudhano galwe mosikola. Momumvo 1956, sho e na oomvula 16, konima naanaa yoomvula ne, sho ombanda ya aluka thiluthilu, Wilma okwi ilikolele ehala mOspana yaAmerika yOmaudhano yOlimpia mono a sindana mbala ombandi yoshikushu(bronz). Momaudhano gOlimpia, gomomumvo 1960, Wilma a ninga ishewe enyakwa dhangi lyopashigwana nokwa kala omukiintu “omutondoki dhangi pandjokonona”.

Konima yuudhano we wu nyanyudha, Wilma okwa galukila kegumbo kuTennessee, hono a adha Ngoloneya a longekidha iitendele yoku mu hambelela. Wilma okwa tindilile iitendele mbyoka, molwaashono otayi kala yopaukwamuhoko. Sho e shi tindi, oshidhano niitendele ye, oyo yotango ya ningilwa mondoolopa yawo ya-Clarksville ya ningwa ya nuninwa omihoko dha hangana. Konima okwa kutha ishewe ombinga momahololomadhiladhilo taga kondjitha ooveta dhuukakombo noludhi, sigo dha kuthwa po.

Wilma okwa hulitha po omathigathano gokutondoka momumvo 1962. Konima sho a mono iimaliwa yokukiilongitha, okwa ka sikola koshiputudhilo shOpombanda shaTennessee State mono a za mo nonzapo yopombanda melongo. Okwa ka longa osikola nokwa kala wo omudheuli gwaatondoki.

“Omadhiladhilo genyanyu oga shambula omutima gwandje molwesindano ndyoka nda likola. Oombandi ndatu dhoshingoli. Ondi shi shi kaku na ngu te dhi kutha ndje, nande.”

“Otashi kala esimano kungame ngele tandi longo naanyanyamagulu. Ondi itaala mokuhogolola nokudheula aawiliki ya za momihoko dhaamboka taya thininikilwa kongudhi. Ondi itaala kutya okulonga naagundjuka osho uukwatya wandje wa simana. Osha kala ondjodhi yandje okutota oopolohalama handi longitha omaudhano ndi uvithe ko aanyanyamagulu uuwanawa wo-ateletika okupitila melongo.”

Esimano lyaWilma olya etitha uuyuni wu hwahwameke aakiintu ya kuthe ombinga muudhano wOlimpia unene tuu mokutondoka nomiiyetwapo yuudhano wi ili nowi ili. Okwa tsa wo omukumo aakiintu oyendji , unene tuu mba ya za momidhingoloko dhaamboka ya thininikilwa kongudhi, ngaashi Florence Griffith Joyner, ngono a kala a taalelwa komashongo ogendji mokwaadha ondjodhi ye.

Konima yeso lye momumvo 1994, oyendji oya kambadhala okusimaneka ekalepo lye, monena oshiketha shomaudhano gaakiintu shedhina “Wilma Rudolph Courage Award” ohashi gandja omapapa kwaamboka yu ulika omukumo mokusinda omashongo ye ga taalela. Oshilongwathano shoshikushu shaWilma oshiwana, osha thikama pokati kondoolopa yawo yaCharksville.

“Ino dhina oonkondo dhoondjodhi, molwaashono oondjodhi ohadhi tsu. Atuhe otwa faathana pauntu mbuka. Aantu ayehe Pamba okwe ya topolela shi thike pamwe.”

(Wikipedia)

- 3 Nyola omafaathano gomashongo nomasindano gaNatalie duToit naWilma Rudolph, ga holoka muuleshwa mbuka uyali.
- 4 Ando ongoye nee Wilma Rudolph, nyola omushangwasiku gwoye, wu ndhindhilike omaiuvu goye to nyola iiningwanima mbyoka to dhimbulukwa yonkalamwenyo yoye.

Shi ninga niitya **200 – 250**.

[20]

BLANK PAGE

BLANK PAGE

